

133
亞舟先生著

趙註孫子十三篇

北平武學書館印行

Shueh Shuen Kung

靈舟先生著

趙註孫子十三篇

北平武學書館印行

重刊趙註孫子序

兵法無古今乎哉古法非今所宜也兵法有古今乎哉今法即古所變也孫子十三篇古兵法也方今五洲戰爭火器劇烈敵以數十年前之兵法已瞠乎其後彼孫子者又歷周秦漢魏逮今二千年有美措其法於今度必迂膠跖鑿不可行猶乎昧於太羹聲於土鼓矣然竊嘗觀其書所言大旨則奇正虛實今猶是也攻擊圍守今猶是也備軍儲爭地勢今莫能外也公賞罰嚴號令今且爲要也倣自始計迄於用間絜以今戰法學所言間有名稱不同者而其精粵微窳靡不一一若合符節其書有言曰多算勝少算不勝曰知彼知己百戰不殆兵家要旨尤在於茲今之泰西諸強國挾其兵力縱橫馳驟於全球之上問能舍是而旁求所以戰勝者乎又曰全國爲上破國次之今之歐人交戰公法諸例未有不符其旨者車戰諸說不適今用

蓋當時之兵制然也且夫兵有古今法有古今而趨勝避負之理則無古今孫子者詳於理而略於用用不同而理則同理同則若綱在綱雖千變萬化不能離其宗而用亦於是以不同同明人趙虛舟孫子註四卷詮以精義證以史事抉扃發鍵誠善本也顧中國鮮傳本傳之者日本其國人甚重此書吾因思夫日本自耀兵以來戰必勝攻必取較轢五洲幾於無輩者其是書之力歟名將之用兵也計謀爲上戰圖爲次運用於一心操縱於萬法故能一發而無與敵而究其運用操縱亦無有能越孫子之矩矱者中國古名將無不如是後世兵制敝久乃以自有之書不能自重之而自用之反使外人得借利器以制我可勝歎哉聞者徵於前弊而迫欲改良不憚費重貲令聰穎子弟游學於日本其游而歸者出其所學頗能大異於中國已敝之軍制獨惜其造就者所及乃僅彘彘焉域於戰鬪之瑣節而計

謀妙用尙茫然無所窺見則未讀孫子之過也竊嘗謂爲將之道裨將役於人不讀孫子猶可也大將役人則萬萬不可不讀孫子今之東游歸者皆大將選倘不預儲謀略他日或膺全軍之寄指揮調度勢必至擿墮索塗又烏能有一是者哉爰亟取是編重加校勘以鉛印排成公之於世竊願有志於武學者悉取爲簡練揣摩之資俾中國異日名將輩出豈不快甚雖然孫子詳於理者也泰東西家於兵者多剗心鈎索由用而悟理中國人士則優於談理而絀於應用苟讀是書者不能驗以今之實事或滯泥鮮變通則又爲眇者扣槃迂夫膠柱者流非鄙人流布是書之本旨也河間馮國璋序

趙莊孫子十三篇 序

刻趙註孫子引

宋梅堯臣評孫子以爲戰國相傾之說余則以謂仁於用兵者莫若孫子其言曰用兵之法全國爲上破國次之至軍旅卒伍亦云爾兢兢焉常以多殺爲戒惻怛憫恤之意往往見諸篇中其猶未免乎譎詐用數者則又出勢之不得已焉耳矣夫虎豹出山跳踉咆吼以逞搏噬之威欲速除之弓矢矛戟之用固弗若陷阱誘殺之便古今論兵者推孫吳以爲武經之冠非過論也修業堂窪田先生藏明趙虛舟所註孫武子一部余嘗讀之解義簡明引類的確諸註家蓋莫能及也先生潛神韜略武技精妙齡已踰七十心力克壯適值

大朝振起武風竭力訓練以副

上命晨入暮歸日不暇給遂欲梓是書以公之於世一何其幸也

雖然所貴於讀書者在獲作者之心倘學者不以孫子之心爲心而徒殺伐討滅爲快是豈先生改刻之本旨哉剖厥竣功爲弁其首

文久癸亥冬十月昌平學儒員若山拯撰

孫子書叙

世傳孫子書自始計至用間凡十三篇論者稱其雄於言兵至宋梅聖俞評其爲戰國相傾之說噫是固然矣獨不曰兵者聖人不得已而用之乎今方內無事士大夫褒衣緩帶侈口譚性命脫一旦羽檄交馳自非材官蹶張劍客奇俠緩急將安賴焉由此而觀孫武之兵法未可以孫武廢也楚故疆國將材號前茅年來銳氣銷於紃綳爽毳茸乎尺籍洞庭青草竊伏修蛇槃瓠廩君包藏封豕尤非可晏然忘武服之地也不佞雖軍旅未學平居常蒿目腐心與諸司圖未雨之備久矣比于梁李官處得看薊遼舊刻孫子書乃出至吾同邑人趙虛舟所校者章句有解解有引類解之使意顯引之使事覈余因而卒業見其精切詳明不忍釋手趙君不知何時人聞之爲草澤士也彼不擔一爵猶然以匹夫懷世慮肆

力是篇期貽人國之安吾儕責在封疆寧能諱兵不譚計反出趙君下耶雖然其所疏者法也而非其所以法也書中如所謂藏於九地之下動於九天之上微乎微乎至於無形神乎神乎至於無聲此猶規矩中之巧亦惟孫子能自得之耳而謂書盡言言盡意是耶非耶語曰不學操縵不能安弦繇縵知弦繇弦知的要以得心應手兵亦有然則茲書豈可少哉余觀武子後若臙起韓白善兵者非一家惟諸葛武侯之天地風雲龍鳥蛇虎岳武穆之觀敵知所始制敵去所恃闔闢變化與孫子符余于武侯武穆取其忠于孫子取其法精武子之法而本之以武侯武穆之忠即無列壘無留行爲飛將名將焉可也此不佞鑲孫武書與三忠集並行于楚意也業武者人各誦習茲編庶幾楚多干城異日足當緩急之用者其在斯乎其在斯乎

賜進士第中憲大夫奉

勅巡撫湖廣提督軍務兼制黎平等處地方都察院右僉都御史晉
江郭惟賢撰

趙莊集子十三篇 叙

重刻孫子書序

天下之所以常治而不亂者文爲之經而武爲之緯也自舜格有苗不廢干羽之舞蠻夷猾夏寇賊姦宄蓋重致意焉夫子不對衛靈公問陣至夾谷之會文事武備豈誠軍旅未學我

國家疆理區宇即置衛各所班諸武功爵箕裘世業與郡縣分土而治聯事而官如錯繡然諸郡國三年一舉士司馬門都試之幾與文士並重然而韜鈴之士干城之將寥寥不幾見未能偕譎譎吉人維

天子使則官師之教不先而父兄之養未至也匪耕曷穫弗狩曷獲坐令志溺於紉袴而業荒於嬉遊此有識所爲歎惜也歲乙未希宇郭先生假節鉞鎮湖湘時方泰寧不忘武服亟取不佞笥中孫子書付之剞劂嘉與材官良家子共圖誦習以備緩急不佞校讎

隱括無復訛謬稱善本越廿歲濫膺全楚封疆之寄則草澤之雄
操舟弄兵斬關越城而發巨室之藏者所在見告西南夷生齒繁
盛乘脫巾之變亦有中行說爲之畫計憑陵刼略幾無虛月修馳
封豕非復伏藏時矣不佞追惟往事物色前刻化爲烏有遺書在
焉不勝簪履之念屬鄖守若理覆刊成書視前加精頒示諸材官
良家子以廣郭先生之志夫韓楚王泚水之陣奇絕千古尙謂此
在兵法智信仁勇嚴缺一不可岳鄂王亟稱之猥云方略何如不
至學古兵法英雄欺人非通論也楚固多材武士誠誦法是書益
其機智桓桓起起分符乘障布列有位何畏乎有苗何患乎寇賊
姦宄藉以佐文明之治於不衰可也鄭朱守之臣蜀成都人郭理
化豫章萬安人

相進士第中憲大夫奉

勅巡撫湖廣提督軍務兼制黎平等處地方都察院右僉都御史保
定梁見孟讓

趙註孫子十三篇目錄

卷之一

始計

作戰

謀攻

卷之二

軍形

兵勢

虛實

軍爭

卷之三

九變

趙莊孫子十三篇 目錄

行軍

地形

卷之四

九地

火攻

用間

孫子書後序

孫子考